

COVID-19 Cheestahouwina poor Lee zawnfawn akwa Li Yet Zhenn

Cheestahouwina il i pat dawnzhee, kaw-atoushkaymakuhk akwa nawut akoushi chi kenawaymichik tee zawnfawn akwa toon famee oushi COVID-19 akwa awhkousiwin variants. Awta aen milyoon'd moond lout bor Ontario ki outinam soon COVID-19 cheestahouwin, kikishkayistaynawn saprawn ayawyen lee kesyoon ouschi cheestahouwina poor lee zawnfawn (lawzh saenk ishko oonz) akwa li yet zhenn (lawzh dooz ishko ji set). Akwawnihi oohin awtist nashkoumiwaywina poor awtist mawna nawachiko kakwaychihkaymoohk li kesyoon.

1. Tawnaenhki moon zawnfawn chikee outinakh ooma COVID-19 cheestahouwin?

Ka cheestahouwchik lee zawnfawn akwa li yet zhenn chimiyikawshoow avek maashkowimakan aykwy-ikouhk kenawaymowin pakwatem COVID-19 akwa li variant, kenawayishchikawtayw l'ikol nawut il i pat dawnzhee akwa youhtaynikawtayw, meena nakeenam ka mishowayitaymaka la malajee. Ka weechihikoun chickenawaymichik kootakak li famee maambr meena, tapishkoot aykwawniki awntsoor lawzh saenk akwawna namoo ki ayow cheestahawuk eshkwa, keema aywawniki noo mushkowsheewak li vyeu.

2. Tawmy-iko kinwaysh chi payhouyawn awnter moon zawnfawn soon neekawn akwa keestwawm chi-outinam COVID-19 cheestahouwin?

Lee zawnfawn lawzh saenk ishko oonz chi outinam ooma poor lee zawnfawn Pfizer COVID-19 cheestahouwin, akwa li yet zhenn lawzh dooz ishko ji set chi outinam ooma Pfizer COVID-19 cheestahouwin. Chimiyikawshoow ka maashkowimakan aykwy-ikouhk kenawaymowin, ooma Ooma Tooroon not grawn piyee Kakayeshkimiwaywin Committee didawn Cheestahoukawaywin (NACI) [weestamakayw chi payhou wit smenn](#) awnter neekawn akwa keestwawm chi-outinam. Ooma wawpahchikawtaywin ouschi en grawn parsonn aykwawnima chi itayitakwun kinwaysheesh payhouwin awnter chi-outinam wawpaschikawtayw geemiyikiw la for immune pishkayimiwawn akwa mitouni



ayiwawk cheestahouwin kaw-atoushkaymakuhk aykwawnima nawut kinwaysh ashtayw.

3. Awshay chin ooma COVID-19 cheestahouwin mitouni ki keekoucheehtawak poor lee zawnfawn akwa li yet zhenn? Tawnsheehi nikishkayistaen il i pat dawnzhee?

La sawntee Kenadaw ayow nawut payyek ikouhk aen strik mitouni paray kanawaapuhtumowin aen system didawn ooma tooroon not grawn piyee akwa miyayhtem pikou cheestahouwin keeshpin aywawnima il i pat dawnzhee, awpatun, akwa nakishkam ikouhk oushihtawin akwa mitouni emamiyohk li standard. Apray mitouni akwa noo aashpayimowin nawut ikouhk aen strik kanawaapuhtumowin ouschi wawpahchikawtaywin, La sawntee Kenadaw il a disidee aykwawnima ooma COVID-19 cheestahouwin si il i pat dawnzhee akwa kaw-atoushkaymakuhk geemiyikiw la for immune pishkayimiwawn pakwatem COVID-19 ishi lee zawnfawn akwa li yet zhenn.

Poor lee zawnfawn lawzh saenk ishko oonz, La sawntee Kenadaw ki pakitayimou deu chi-outinamen tout sort dafayr poor lee zawnfawn Pfizer cheestahouwin, aykwawnima nawut klair oushistowin tayhkay aen ptsi en porsyoon ouschikawtayw poor kahkiyuw ikouhk lee zawnfawn, ashpeehchi ooma deu chi-outinamen regimen pakitayimou poor li moond lawzh dooz akwa ayiwawk.

Anoush ouschi, aen milyoon'd lee zawnfawn lawzh saenk ishko oonz chi outinam ooma poor lee zawnfawn Pfizer cheestahouwin didawn dan li tayraen'd Amarichaen, avek namoo wiya kaykwuy il i pat dawnzhee aen sinoo kishkayistawun chinookwun kayawpit anoush.

4. Namoo wiya chin COVID-19 etamahchihouwin enima nawut il i pa for poor lee zawnfawn akwa li yet zhenn?

Awta lee zawnfawn akwa li yet zhenn ka awhkoushiwak avek COVID-19 mooshistawak mawna il i pa for etamahchihouwin, awtist mitouni awhkoushiwak, daw la pital pikou chiayowak, ICU peehtikwahikawshoow keema ahpou nipoowin. Awtist chi mooshistaw mooshistawak ayiwaw en siirieu akwa kinwaysh-etamahchihouwin (tapishkoot kinwaysh COVID-19, la michinn natawihouwin COVID-19 s awhkoushiwin).

Ooma COVID-19 cheestahouwin chiweechihikou toon zawnfaw chi nootinahk la malajee nawut waychipayin keeshpin awhkoushiwa akwa nawut il i pa for etamahchihouwin. Namoo wiya pikou ooma cheestahouwin kenawaymew lee zawnfawn akwa li yet zhenn mawwitoutawkouwin ouschi COVID-19, chi katapahtinam en risk ouschi ka-awshoohawwuk kootakak akwa pakitinikawshoowak chi ahkamaymou nakatoohkatahk see sarvel la sawntee akwa miywayawin shawpou en parsonn-kishinahamakaywin, kootaka kaykway kaw-mawhcheemakun akwa nakishkatoowin avek li famee, see namee akwa see paray.

5. Lee zawnfawn lawzh saenk ishko oonz chi outinam paray ikouhk ouschi ooma COVID-19 cheestahouwin tapishkoot kootak lawzh la bonch?

Noo. Lee zawnfawn lawzh saenk ishko oonz chi outinam ooma lee zawnfawn Pfizer cheestahouwin, aykwawnima nawut klair oushistowin tayhkay aen ptsi en porsyoon ouschi aen-trwawzyem ikouhk ka miyikihk ishi li parsonn lawzh dooz akwa ayiwaw, didawn deu chi-outinamen tout sort dafayr aywawnima ka natawayintakwun aen tawn ouschi lee wit smenn.

6. Anihin chin kinwaysh-muypitikouwin ouschi COVID-19 cheestahouwin poor lee zawnfawn ki kishkayistawun?

Oohin miyoototakoowina ka miyikaweyin cheestahoukawayin akwa kaw kenawayimikouyin pakwatem COVID-19 nawut ayiwaw shawkoochihtaw en risk chi ayahk muypitikouwin ouschi ooma cheestahouwin. COVID-19 awhkousiwin chikee itoutam kinwaysh-etamahchihouwin akwa la sawntee li troub poor awtist li moon, avek meena lee zawnfawn, akouschi nawut aenportaan chi ayawyin cheestahoukawayin shaymawnk.

7. Tawmy-iko mawna si myocarditis akwa/keema pericarditis ishi li yet zhenn?

Mitouni apsheesh noombr ayimun chi ishpaiyhk ouschi myocarditis (ka mooshkipayihk cheur li nayr) akwa/keema pericarditis (mooshkipayihk la doubleur dahor dan la cheur) ishpee cheestahoukawayin

kiweestamakaywak. Awtist ayimun chi ishpaiyhk ishpaiyiwin ishi ishi li zhen garsoon awntor deu lawzh jizwit akwa trawnt awn apray keestawm chi-outinam cheestahouwin, akwa awtist ayowak il i pa for awhkoushiwin akwa meena weeput awshtayaw.

Myocarditis/pericarditis ishpee COVID-19 mRNA cheestahouwina aykwawina keeyawpit si rawr mayishkakiwin ishpee cheestahoukawayin (AEFI), aykwawnima la diskripsyoon ouschi Aen zhawnd Kenadaw Cheestahoukawayin Jhireksyoon ay-ishpayin ikouhk nanduw 0.01 parsawn ishko apsheesh 0.1 parsawn. Myocarditis akwa pericarditis nawut mawna ishpaiyin apray COVID-19 awhkousiwin namoo tapishkoot apray COVID-19 cheestahouwina.

Ooma Tooroon not grawn piyee Kakayeshkimiwaywin Committee didawn Cheestahoukawayin (NACI) ahkamay weestamakayw cheestahoukawayin avek mRNA COVID-19 cheestahouwina poor kahkiyuw li moon lawzh saenk akwa ayiwaw ayish cheestahouwina mitouni kaw-atoushkaymakuhk chi kipihtinahk namoo wiya mooshistawin awhkousiwin akwa kawmshi-awhkoushihk kay-ishpayik (tapishkoot, daw la pital pikou chiayahk, nipoowin) ouschi COVID-19. NACI weestamakayw aykwawniki lee zawnfawn akwa li yet zhenn chi payhou wit smenn awnter neekawn akwa keestawm chi-outinam ouschi COVID-19 cheestahouwin. Ooma kinwaysheesh payhouwin chikee ouschipayn avek chi

8. Kaykwuy chi mooshistaw cheestahoukawayin ouschi poor moon zawnfawn?

Aen noombr ouschi la plaes va oofayr ooma COVID-19 cheestahouwin poor lee zawnfawn lawzh saenk ishko oonz ouschikawtayw chi kayschinahou lee zawnfawn-kishaywaatishiwin wawshakawshkayhk. Ooma avek miyikiwak klair-kishaywaatishiwin la sawntee plaes kanawashoonamihk tapishkoot ashaynikawtayw shawm li traen akwa ashaynikawtayw mishiwashayyow lee lawmp, akwa chikwayatashtahk la sawntee plaes va oofayr tapishkoot tosal la klawzet keena la famee kipahikawtaywin akoushi ishi ka ki ayawn avek toon zawnfawn ishpee outinam ooma cheestahouwin.

Akwa meena, kahkiyuw li piblik la sawntee itouwahk chi va oofayr awtist nawashoonikaywina la sawntee plaes itay keema araw l'ikol chi wayhkun ashtayk peestikwaywin akwa chimiyikawtayk kootak il i pat dawnzhee wawshakawshkayhk chi meekiwi ooma cheestahouwin ishi ooma lawzh la bonch. La sawntee plaes chi va oofayr neekwan pikou apray l'ikol 'd hueur (tapishkoot a swayr akwa la faend la smenn) chi wayhkun weechihiwayhk akwa nakishkamouhtam nawashoonikaywin poor lee zawnfawn akwa li famee.

Lee parawn keema kootak il a disidee oushistaw ouschi lee zawnfawn lawzh saenk ishko oonz chikee, mawna, pikou chimiyikawtayk la parmisyoon poor wiya toon zawnfawn ishpee napwaenmawn keema masinaham la parmisyoon li papyee poor toon zawnfawn.

9. Mooshistaw chin moon zawnfawn muypitikouwin keema moushkipuyyiwin?

Tapishkoot kootaka cheestahoukawaywin, toon zawnfawn chikee mooshistaw il i pa for muypitikouwin akwa moushkipuyyiwin aykwawnima namatakoun ouschi awtist en hor isho awtist d'zhournee apray cheestahoukawaywin. Oohin muypitikouwina aykwawni en seksyoon ouschi soon lee kor okoucheewin chi oushistahk la resistawn ishi COVID-19 apray cheestahoukawaywin. Muypitikouwina mawna avek mihkopayin akwa pawkipayinyiw soo braw itay omma cheestahouwin geemiyikawshoow, nayhtoushiwin, li nayr weeshkayistamowin, li mal di tet keema il i pa for la fyayv.

Keeshpin toon zawnfawn chiwawpahtamihk muypitikouwin aykwawnima ji taynket keema namoo wiya namatakoun apray awtist d'zhournee, madoon taypwayhkun ishi la sawntee nakahtoohkayw.

10. Kaykwuy mawka moon zawnfawn chitootum keeshpin mooshistaw muypitikouwin apray ka miyikawit ooma cheestahouwin?

Ashta tahkow, miyoumawow ptsi bitaen itay cheestahouwin geemiyikawshooyin kiweechihkoun avek weeshkayistamowin akwa pawkipayinyiwin. Keeshpin natawayihtakwun, peekishkwata toon doktoer ouschi shawpou-li koontway li pwaen keema la fyayv la michin, aykwawnima ka ki weechihikoun avek muypitikouwin tapishkoot li mal di tet, li nayr li pwaen akwa la fyayv. Awta mawna namoo wiya natawayihtakwun chi outinamaen la michin anawawn cheestahoukawaywin chi kakway kipihtinahk muypitikouwin.

11. Ooma chin COVID-19 cheestahouwin nakinam moon zawnfawn soon ouhpikihikaywin?

COVID-19 cheestahouwina namoo wiya mawchipayitaw aen mawl keema la femel kawhkehtwawm ouhpikihikaywin akwa namoo wiya kaykwuy kishkayhtakwun chi itayitakwun aykwawnima chi mawchipayitaw neekawnihk kawhkehtwawm ouhpikihikaywin.

12. Namoo wiya chin ooma COVID-19 cheestahouwin kee-ahayw moon zawnfawn si risk poor muypitikouwin moushkipuyyiwin?

En siirieu muypitikouwin moushkipuyyiwin ishi COVID-19 cheestahouwin mitouni si rawr akwa chikee nawtawihow. Chi il i pat dawnzhee, kahkiyuw awiyek ka ayow cheestahoukawayin si pishishkayimaw

poor kanake yaenk kaenz minwi keeshpin ishpayin muypitikouwin moushkipuyyiwin.

Keeshpin ki itayistayn toon zawnfawn ayow kawmshi-awhkoushihk muypitikouwin moushkipuyyiwin apray ka shipwayhtayin cheestahoukawaywin la plaes, touhtay araw li emergency department keema taypwayhkun 911. Wawpahchikawtaywin ouschi muypitikouwin moushkipuyyiwin avek ka-ayawin kipakitatawmoowin, chiwawpahtamihk moushkipawyin keema pawkipayinyiwin dan li vizaehz akwa la gorzh.

Keeshpin toon zawnfawn ki ayow muypitikouwin moushkipuyyiwin ishi cheestahouwina keema la michin, madoon peekishkwata ooma avek toon zawnfawn soon doktoer avawn cheestahoukawaywin.

13. Lee zawnfawn chi outistikou kayschinahouwin kacheestahouchik?

Wee. Li papyee poor cheestahouwin avek QR codes chi ihtakoun poor lee zawnfawn lawzh saenk ishko oonz itay COVID-19 cheestahoukawaywin portal aen maashinahikaywin ouschi ocheestahoukawaywin.

Mawka, namoo wiya saprawn chi-ayawhk poor lee zawnfawn lawzh saenk ishko oonz chi wawpaschikawtayk kayschinahouwin ouschi cheestahoukawaywin didawn Ontario. Chikee ihtakoun jeufarawn saprawn chi-ayawhk didawn kootak itay tipayhchikaywin.

14. Tawnday niki mishkaen ayiwawk weehstamakaywin?

Keewkay [Ontario.ca/covidvaccinekids](https://ontario.ca/covidvaccinekids) chi kishkayistamin ayiwawk ouschi COVID-19 cheestahouwina poor lee zawnfawn akwa li yet zhenn.

Ka ki taypwatawuk meena oki Provayns Cheestahouwin Kawshchitinkaywin En plass chi peekishkwatit aen kishkayhtum neekawneew keema la sawntee nakachistaw li doktoer ita 1-833-943-3900 (TTY poor li moond aykwawniki noo paystum, paystumowin-yikichikawiwin keema peekishkwaywin-yikichikawiwin: 1-866-797-0007), ihtakon ayiwawk traw sawn la lawngaezh, il a se zhour den smenn ouschi 8:00 a.m. ishko 8:00 p.m.

Akwa meena, ka ki taypwatawuk SickKids COVID-19 Cheestahouwin Kakayeshkimiwaywin Li Service chioushistawyin tosal aen fonn napwaenmawn avek SickKids lee zawnfawn Registered La nurse shawpou sickkids.ca/vaccineconsult, keema taypwayhkun 1-888-304-6558. Ooma li service ihtakoun paahkaan jeufarawns la lawngaezh chi awpachistahk shawpou-aen fonn la lawng peekishkwatumowin.